

ՀԱՅԱՍՏԱՆԻ ԿՈՒՍԱԿՑԱԿԱՆ ՄԱՄՈՒԼԻ ՊԱՏՄՈՒԹՅՈՒՆԻՑ (1941—1945)

Ֆաշիստական Գերմանիայի կողմից Սովետական Միության դեմ 1941 թ. սանձադերժված պատերազմը քարուքանդ արեց հաղարավոր ընտանիքների, Արևմտյան շրջաններից տասնյակ հաղարավոր սովետական քաղաքացիներ ստիպված էին հեռանալ իրենց հարազատ օջախից և էվակուացվել մեր երկրի խորքը՝ արևելյան շրջանները, այդ թվում Սովետական Հայաստան:

Այստեղ նրանց դիմավորում էին որպես հարազատների, շրջապատում հոգատարությամբ, ապահովում բնակարանով, աշխատանքով, սննդամթերքով: Հաղարավոր երեխաներ տեղավորվեցին մանկական հիմնարկներում: Հայաստանի կուսակցական և սովետական կազմակերպությունները արեցին բոլոր հնարավորը էվակուացված բնակչությանը, այդ թվում զինծառայողների ընտանիքներին օգնություն ցույց տալու համար: Զինծառայողների ընտանիքներին նշանակվեց նպաստ:

Անդրկովկասյան ռազմաճակատի ռազմախորհրդի 1942 թ. նոյեմբերի որոշմամբ անդրկովկասյան հանրապետություններում էվակուացման հետևանքով մարդկային հոսանքը ուժեղանալու կապակցությամբ ռազմախորհրդին կից ստեղծվեց հեղինակավոր հանձնաժողով, որին իրավունք վերապահվեց անդրկովկասյան հանրապետություններում էվակուացված բնակչությանը աշխատանքի տեղավորելու և այդ բնակչության կյանքը կազմակերպելու հետ կապված հարցերը որոշելու¹:

Հայաստանում ճակատայինների ընտանիքների, էվակուացված մյուս քաղաքացիների կարիքները հոգալու բնագավառում մասնավորապես աչքի ընկնող ծառայություններ մատուցեց «Սովետական Հայաստան» թերթի խմբագրությանը կից ստեղծված կանանց հանձնաժողովը: Այդ հանձնաժողովի գործունեության շնորհիվ հանրապետության կոլտնտեսություններում ստեղծվեցին գյուղատնտեսական մթերքների և դրամական միջոցների ֆոնդեր: Իսկ լենինականի քաղսովետի գործադիր կոմիտեն 1941 թ. նոյեմբերի 9-ին որոշեց իր ֆոնդերից ամսական 500 ռուբլի նպաստ սահմանել զինծառայողների էվակուացված յուրաքանչյուր ընտանիքին²:

Հանրապետության մամուլը պարբերաբար հոգվածներ ու հաղորդումներ էր հրապարակում տեղի բնակչության կողմից էվակուացված քաղաքացիներին ընդունելու, նրանց հոգատարությամբ շրջապատելու մասին: Թերթերը միաժամանակ ընդգծում էին այդ բնագավառում տեղ գտած առանձին թերությունների (մասնավորապես սանիտարական սպասարկման ուղղությամբ) անհապաղ վերացման անհրաժեշտությունը:

¹ Հայկական ՍՍՀ ՀՀՍՇ ՊԿԱ, ֆ. 40/113, ց. 6, գ. 71, թ. 17:

² Լենինականի քաղսովետի գործկոմի գործառնություն, գ. 5, թ. 250: (Հոգվածում գրամբարվում է հին կուրսով):

ՀՍՍՀ ԺԿԽ-ի էվակուացված բնակչության տնտեսության կազմակերպման բաժնի վարչի ղեկուցադրից երևում է, որ առ 1-ր հոկտեմբերի 1942 թ. Հայաստան է էվակուացվել 21362 հոգի: Նրանք հիմնականում տեղափոխվել էին Արևելքում, Հենիակաճում, Երևանում, Ստեփանավանում, Կիրովականում և մասամբ էլ այլ քաղաքներում: Տեղական արդյունաբերության ձեռնարկություններն իրենց հերթին բնդարձակում են արտադրական ցանցը՝ էվակուացված բնակիչներին աշխատանքով ապահովելու համար³:

Այդ գործի հետ կապված բոլոր հարցերը ժամանակին լուծելու նպատակով 1943 թ. ստեղծվում է զինծառայողների բնտանիքների և էվակուացված բնակչության սկզբնական ապահովման և կենցաղային կազմակերպման վարչություն, որի նախագահը միաժամանակ համարվում էր ժողովրդական կոմիսարների խորհրդի նախագահի տեղակալը:

Գուսակցական և սովետական կազմակերպությունները մեծ հոգատարություն էին ցուցաբերում էվակուացված երեխաների նկատմամբ: Նախ, կազմակերպվեց զերմանացիների կողմից օկուպացված շրջանների սովետական երեխաների էվակուացումը խորը թիկունք, այդ թվում Հայաստան, որտեղ նրանք շրջապատվեցին սիրով ու հոգատարությամբ: Նրանցից շատերը այսօր տեղ էին հասել հյուծված, հիվանդ, նույնիսկ վիրավոր վիճակում: Հայաստանի ԿԿ Կենտրոնը հատուկ ուշադրություն է ցուցնում մանկական հիմնարկների ցանցը բնդարձակելու, կանանց և երեխաների բուժսպասարկումը բարելավելու մասին⁴:

Պատերազմի առաջին շրջանում կենսագործվեց մեծ ծրագիր՝ հանրապետությունում մանկամսրների, մանկատների, կոնսուլտացիաների, կաթնամթերների խոհանոցների, մանկապարտեզների և այլ հիմնարկների թիվը ավելացնելու ուղղությամբ:

1942 թ. մայիսին Ստեփանավանի շրջանի Ազարակ գյուղի զպրոցի ուսուցիչները և աշակերտները հանրապետական թերթերի միջոցով դիմում են Հայաստանի զպրոցականներին կոչով՝ ֆաշիստական ագրեսիայի հետևանքով տուժած երեխաների համար օգնության ֆոնդ ստեղծելու մասին: Թերթերը լայնորեն տարածում են այդ շնորհակալ նախաձեռնությունը, որը մեծ արձագանք գտավ հանրապետության զպրոցներում⁵:

Էվակուացված երեխաների վիճակի մասին թերթերը հրատարակեցին կարմիր բանակի ռազմիկների տաղնապալից նամակները: Պատասխանելով այդ նամակներին «Սովետական Հայաստանը» 1942 թ. հոկտեմբերի 1-ի համարում գրում է. «Սովետական ռազմիկները կարող են հանգիստ լինել իրենց երեխաների վիճակի համար, երեխաները շրջապատված են սովետական կառավարության և կուսակցության հոգատարությամբ, որոնք այն համարում են սկզբնական կարևորագույն գործ»⁶:

Հայաստանի կոմերիտմիությունը 1942 թ. հունիսին Պետրանկում հատուկ րեթացիկ հաշիվ է բացում ճակատաչինների երեխաներին և էվակուացվածներին օգնելու համար, որին ակտիվորեն մասնակցեց հանրապետության երիտասարդությունը:

³ ՍՄԿԿ Կենտկոմին կից ՄԼԻ Հայկական ֆիլիալի արխիվ, ֆ. 1, թ. 532, Կ. 5, թթ. 78—80:

⁴ «Коммунист», թերթ, 20 հոկտեմբերի 1944 թ.:

⁵ Նույն տեղում, 21 մայիսի 1942 թ.:

⁶ «Սովետական Հայաստան», 1 հոկտեմբերի 1942 թ.:

Այդ մեծ հայրենասիրական գործը ղեակով ծավալվեց և ընդգրկեց նորանոր կոլեկտիվներին՝ Այսպես, հանրապետության թատրոնները կարմիր բանակի 26-րդ տարեդարձի առթիվ տվեցին 80 ներկայացում, որից ստացված 50915 ռուբլի դրամը նույնպես հատկացրին ճակատայինների հրեխաների օգնության ֆոնդին։ Այդ նպատակով ստեղծված ֆոնդը 1944 թ. կազմում էր 3.150,000 ռուբլի, ձեռք էր բերված 40.150 կոմպլեկտ թևեր և հագուստեղեն, 36,050 գույգ կոշիկ և բավական ուսումնական պիտույքներ⁷։

Պատերազմի տարիներին սովետական մարդիկ տաղնապ էին ապրում թշնամու օղակում գտնվող Հինինգրադի հրեխաների համար։ 1942 թ. սկզբին քաղաքի № 82 մանկատան հրեխաները դուրս բերվեցին շրջապատումից։ Սովի, տառապանքների և հիվանդությունների հետևանքով հյուծված այդ հրեխաները տեղափոխվեցին Երևան։ Նրանց հատկացվեց հրեհարկանի մի շենք։ Քաղաքի մի շարք կազմակերպություններ վերանորոգեցին և կարգի բերեցին այդ շենքը, ապահովեցին համապատասխան կահույքով, նույնիսկ դաշնամուրով, հրեխաներին բավարարեցին անկողնով, ամանեղենով ու հագուստով։ Ստեղծվեցին ապրելու և խաղալու նորմալ պայմաններ։

Այդ հոգատարության համար մեր ռազմիկները իրենց շնորհակալական նամակներում խոստանում էին էլ ավելի անխնա լինել թշնամու նկատմամբ, ուժեղացնել իրենց հարվածները։

Հանրապետության թերթերը օգնում էին գտնելու և կապ հաստատելու ծնողների և հրեխաների միջև։ 1942—43 թթ. ընթացքում Երևան տեղափոխված Հինինգրադի № 82 մանկատան 40 հրեխաների և նրանց ծնողների միջև կապ է հաստատվում։ Երեխաների և ծնողների ուղարկած նամակները լի էին ատելությամբ դեպի թշնամին⁸։

Այսպիսով, Հայկական ՍՍՀ-ն Հայրենական մեծ պատերազմի դաժան տարիներին սիրով ու հոգատարությամբ շրջապատեց մեր հայրենիքի արևմտյան շրջաններից էվակուացված գինձառաջուկների և սովետական այլ հրեխաներին, արեց ամեն հնարավորը նրանց կյանքի, հանգստի և ուսուցման համար։

Հայրենական պատերազմի տարիներին մեր ժողովրդի ամենօրյա գործունեության կարևորագույն հարցն էր դարձել նաև վերավերված գինձորների, սերժանտների, սպաների ու զինհրալների բուժումը, նրանց առողջության վերականգնումը և շարք վերադարձնելը։

Մեր միության հարավային այլ հանրապետությունների թվում Հայկական ՍՍՀ վեր էր ածվել սովետական վերավեր գինձորների առողջարանների։ Մոբիլիզացվել էին բժշկական կադրեր և նրանց օգնող բազմաթիվ այլ աշխատողներ, որոնք անում էին ամեն ինչ վերավերված ռազմիկների կյանքը փրկելու համար։

Այդ աշխատանքը ըստ արժանվույն ղեկավարեց մեր կուսակցության և կառավարության կողմից։ Այդ օրերին «Պրավդա» թերթը գրել է. «Թիկունքային հոսպիտալում բժշկի, ֆիզիկների, բուժքրոջ, սանիտարի, խոհարարի, հալաքարարի, աման լվացողի աշխատանքը լի է իսկական անձնուրացության և հերոսության օրինակներով»⁹։

⁷ «Коммунист» թերթ, 16 օգոստոսի 1944 թ.։

⁸ «Коммунист», 21 հունվարի 1943 թ.։

⁹ «Правда», 10 փետրվարի 1942 թ.։

Հանրապետության առողջապահության մինիստրությունը Հայրենական պատերազմի առաջին իսկ օրերից մեծ աշխատանք ծավալեց էվակոհոսպիտալներ կազմակերպելու համար: Հայաստանի ԿԿ Կենտկոմը և կառավարությունը էվակոհոսպիտալների համար առանձնացրին այդ նպատակին համապատասխանող ամենալավագույն շենքերը: Լենինականում, Իջևանում, Դիլիջանում, Արդնիում և այլուր ստեղծվեցին մոտ 30 հոսպիտալներ, ավելի քան 10 հազար մահճակալով:

Քացի դրանից, Երևանում էր գտնվում 45-րդ բանակի սանրաժինը, և 12 այլ բժշկական հիմնարկներ, բանակի դաշտային լարորատորիան, դաշտային էվակոկայանը և այլն¹⁰:

Հայաստանի ԿԿ Կենտկոմին կից, երկրորդ քարտուղարի նախապահությամբ ստեղծվեց հատուկ կոմիտե՝ կարմիր բանակի վիրավոր զինվորներին և հրամանատարներին օգնելու համար¹¹:

Վիրավորների բուժման գործում բժիշկներին օգնության եկան խորհրդային, կուսակցական և կոմերիտական կազմակերպությունները, կարմիր խաչի ընկերությունները, տնային տնտեսուհիները և ուրիշներ: Այդ գործին մեծ ծառայություն մատուցեց հանրապետության մամուլը:

Հայաստանի աշխատավորությունը, կուլտնտեսությունները, բանվորները, ծառայողները հոսպիտալներին ուղարկում էին նվերներ, հաճախ իրենք էին գալիս վիրավորներին տեսության, դպրոցականները ուղարկում էին թերթեր, զրբեր վիրավորների համար՝ նրանց թելադրությամբ նամակներ էին գրում հարազատներին:

Հանրապետության հոսպիտալները սպասարկում էին բարձր կլիպիկացիայի մասնագետներ, մատակարարվում էին այն ամենով, ինչ պետք էր վիրավորներին վերադարձնելու ուժ և առողջություն: Հոսպիտալ եկած ռազմիկի համար արվում էր ամեն ինչ, որ նա մշտապես զգար ճակատի և թիկունքի կապր, ունենար լավ տրամադրություն:

Հայաստանի ԿԿ Կենտկոմը իր դիրեկտիվ ցուցումներով հանձնարարել էր Երևանի, Լենինականի քաղկոմներին, Կիրովականի, Վաղարշապատի, Իջևանի, Դիլիջանի և այլ շրջկոմներին, կենտրոնական, շրջանային թերթերի խմբագրություններին՝ ձեռնարկել բոլոր միջոցները բարելավելու հանրապետությունում գտնվող վիրավոր ռազմիկների նյութական-կենցաղային վիճակը, կուլտուրական սպասարկումը¹²:

Այդ առթիվ էվակոհոսպիտալներից մեկից գրում են. «Արթիկի շրջանի օգնությունն արտահայտվեց այն բանում, որ այդ շրջանի կուլտնտեսությունները շեֆական կարգով առանձնացրեցին տեղամաս, որտեղ ցանկ էին բանջարեղեն, ինչպես և 7 տոննա կարտոֆիլ և հանձնել հոսպիտալին:

Միկոյանի շրջանի աշխատավորությունը նվիրատվության կարգով Հոկտեմբերյան հեղափոխության տարեդարձի օրերին հոսպիտալ էր ուղարկել 450 լիտր գինի, 66 կգ. լավաշ, 15 կգ. գաթա, 194 կգ. չորացրած միրգ, 20 կգ. ծխախոտ, 10 կգ. հալված¹³:

¹⁰ ՍՍՀՄ ՊՄ արխիվ, ֆ. 34, դ. 3, թ. 2210:

¹¹ ՀՍՍՀ 2207 ՊԿԱ, ֆ. 118, ց. 3, դ. 146, թ. 19:

¹² ՍՄԿԿ Կենտկոմին կից ՄԼԻ Հայկ. ֆիլիալի կուսարխիվ, ֆ. 1, պ. մ. 31, թ. 18:

¹³ ՍՍՀՄ ՊՄ արխիվ, ֆ. 2, 2469, դ. 6, թ. 29:

Ախտայի կուսակցական շրջանային կոմիտեն 1941 թ. նոյեմբերի 27-ի նիստում ընդունած որոշման մեջ նշում է, որ շրջանի կուլտնտեսություններից ամեն օր Դարաշիշակի հոսպիտալը ստանում է տասնյակ կիլոգրամներով սննդամթերք: Շրջկոմի բյուրոն միաժամանակ հանձնարարում է շեֆ-բյուրոյի նախագահին վիրավորներին ապահովելու ոչ միայն հանրապետական, այլև ՍՍՀՄ ժողովուրդների ազգային լիզոններով լույս տեսնող թերթերով¹⁴:

ՍՍՀՄ առողջապահության մինիստրության հոսպիտալների խորհրդի 1942 թ. մայիսի 5-ին կայացած առաջին պլենումը բարձր դնահատական տվեց Հայաստանի տիրիտորիայում գտնվող էվակոհոսպիտալների աշխատանքներին¹⁵:

Հանրապետական «Կոմունիստ» թերթը 1942 թ. փետրվարին ունի կադմակերպելով դեպի հոսպիտալները, գոհունակությամբ նշում է, որ այնտեղ ամենուրեք տիրում է մաքրություն և հրապուրանք: Դրանում է արտահայտվում ոչ միայն անձնակազմի, այլև դպրոցական երիտասարդության մեծ ծառայությունը: Բարձր դասարանցիները գալիս էին հոսպիտալները, լվանում, կարկատում վիրավորների սպիտակեղենը¹⁶:

Թերթի 1942 թ. մայիսի 1-ի համարում զետեղված «Կուլտնտեսական Մովսես Հարոյանի հայրենասիրական արարքը» հաղորդման մեջ ասված է այն մասին, որ տոնի նախօրյակին էվակոհոսպիտալ ներկայացավ հեռավոր Ամասիայի Ղրդլղազ գյուղի 67-ամյա կուլտնտեսական Մ. Հարոյանը: Իր անձնական տնտեսությունից նա մայիսմեկյան նվերներ բերեց վիրավորներին՝ 143 կգ. միս, 21 կգ. պանիր, 300 հատ ձու: Հանձնելով նվերը՝ նա ասաց. «Ես շատ եմ ափսոսում, որ անձամբ չեմ կարող մասնակցել հիտլիրյան բանդաների դեմ մղվող կռիվներին: Իմ նվերը ուղղմիկներին՝ թող լինի ևս մի հարված ֆաշիստներին»¹⁷:

Շատ կուլտնտեսականներ կադրեր էին պատրաստում էվակոհոսպիտալներում աշխատելու համար՝ այդ նպատակով կադմակերպված սանիտարական գործի ուսումնասիրման դասընթացներում: Պարապմուքները անցկացնում էին բուժկադրերը:

Հակահամաճարակային միջոցառումները իրականացնելու և էվակոհոսպիտալներում ռադմիկների բուժման գործում անձնուրաց աշխատանքի համար դեռևս պատերազմի առաջին շրջանում միութենական կառավարությունը պարզեատրեց ՍՍՀՄ առողջապահության ժողկոմատի մի խումբ աշխատողների, նրանց թվում հինգ հոգու Հայկական ՍՍՀ-ից:

Հանրապետական, քաղաքային և շրջանային թերթերը պատերազմի տարիներին մշտապես լուսարանում էին էվակոհոսպիտալների կատարած աշխատանքը: Թերթերը հրապարակում էին անվանի պրոֆեսորներ Շարիմանյանի, Մելրոնյանի, Յուլյանի, Պետրոսյանի, Քերոբյանի, Անֆիմովի, Միրտովսկու, Հարությունյանի, Մեհրարյանի և ուրիշների հոդվածներն ու հոլովները, որոնք էվակոհոսպիտալներում սխտեմատիկարար կոնսուլտացիոն աշխատանք էին տանում: Պրոֆեսոր Ռուբեն Յուլյանը իր հոդվածում պատմելով արյան փոխներարկման անհրաժեշտության մասին, միաժամանակ հիշատակում է հայրեն-

14 ՍՍՀՄ ՊՄ արխիվ, ՖԷՀ 1569, գ. 10, ու. 921, թ. 7—8:

15 «КОММУНИСТ», 7 մայիսի 1942 թ.:

16 Նույն տեղում, 11 փետրվարի 1942 թ.:

17 «КОММУНИСТ», 1 մայիսի 1942 թ.:

նասեր շատ դոնորների անուններ, որոնք մեծ պատրաստակամությամբ իրենց արյունը տալիս էին վիրավորներին բուժելու համար: Հանրապետությունում 1941—1945 թթ. ավելի քան 5000 դոնոր իրենց արյամբ փրկեցին շատ վիրավոր ռազմիկների կյանքը:

1942 թ. ամռանը ստեղծված իրադրությունը ստիպեց ավելացնելու անդրկովկասյան հանրապետություններում եղած էվակոհոսպիտալների մահճակալների թիվը: Հայաստանում դրանք պետք է ավելանային ոչ պակաս 30 տոկոսով, որպեսզի Սոչիից այստեղ տեղափոխվեին նոր 10 էվակոհոսպիտալներ՝ 2500 մահճակալով:

Թերթերը տեղական կազմակերպություններին կոչ էին անում օգտագործել բոլոր հնարավոր միջոցները (առանձին շենքերի, ակումբների անկյուններ ու միջանցքներ) նոր վիրավորներին ընդունելու համար:

1942 թ. սեպտեմբերին հանրապետական թերթերը բարձրացրին հիվանդ վիրավորների տեղաբաշխումը և կոմսյւբաս բուժումը ճիշտ կազմակերպելու կարևոր հաջրը: Թերթերի ելույթից հետո էվակոկայանի վարչությունը և ՀՍՍՀ առողջապահության ժողկոմը ստեղծեցին վիրավոր և հիվանդ ռազմիկների տեղաբաշխման խումբ, որը նպաստեց նրանց համապատասխան հոսպիտալներում ավելի կարճ ժամկետում տեղավորելուն¹⁸:

Վիրավորներին օգնություն ցույց տալու գործում մեծ աշխատանք կատարեցին շրջանային ղինկոմիսարիատներին կից ստեղծված կանանց խորհուրդները, որոնց շնորհակալ գործունեությունը միշտ էլ գտնվում էր մամուլի տեսագաղտում: Թերթերը միաժամանակ լայնորեն լուսաբանում էին հոսպիտալների շեֆությունը վերցրած կազմակերպությունների գործունեությունը, որոնք ղբաղված էին կուլտուրական սպասարկման հարցերով, կազմակերպում էին համերգներ, հերթապահում էին ծանր հիվանդների մոտ, նրանց համար ընթերցում էին թերթեր, անց էին կացնում զրույցներ, նամակներ գրում, կերակրում և այլն:

Հանրապետության կուսակցական մամուլը առաջադրեց կարևոր հարց՝ վիրավորված ռազմիկների առողջությունն ավելի կարճ ժամկետներում վերականգնելու, կոմսյւբաս բուժում կազմակերպելու համար փնտրել նոր միջոցներ ու հնարավորություններ, ընդարձակել կուրորտները: «Սովետական Հայաստան» թերթը 1942 թ. օգոստոսի համարներից մեկում հաղորդում է, որ կարմիր բանակի ղինկոների և հրամանատարների բուժման համար հանրապետության ղեկավարները վայրում բացված է նոր սանատորիա՝ Զերմուկը: Այնտեղ պատերազմի տարիներին կազդուրվեցին ավելի քան 2000 մարտիկներ:

Շնորհիվ բուժսպասարկման անձնակազմի անձնագոհ աշխատանքի, տեղի բնակչության հոգատար վերաբերմունքի, վիրավորված ռազմիկների 75,2 տոկոսը և հիվանդների 91,7 տոկոսը բուժվեցին հոսպիտալներում, վերադարձան սովետական բանակի շարքերը և շարունակեցին կռիվը թշնամու դեմ:

Բուժված և շարք վերագարձած ռազմիկները շէին մոռանում իրենց նկատմամբ բուժանձնակազմի և բնակչության կողմից ցուցաբերված հոգատարության և ուշադրության մասին, ուղարկում էին շնորհակալական նամակներ, որոնք հաճախակի հրատարակվում էին թերթերի էջերում: Ռազմիկները մասնավորապես մեծ գովասանքով էին խոսում հոսպիտալների պետերի՝ Մանթաշ-

լանի, Սիմոնյանի, Նեմարովսկու, պրոֆեսոր Պետրոսյանի, բժիշկներ Արա-
լիսինյանի, Սահակյանի, Դավթյանի և շատ ուրիշների մասին:

Կարմիր խաչի հանրապետական միությունը իր հերթին միայն պատե-
րազմի առաջին շրջանի 7 ամսվա ընթացքում պատրաստեց 950 սանիտար-
ներ, 946 բուժքույրեր, 2770 սանդղուժիկներ¹⁹:

Խմրագրությունների աշխատակիցները հաճախակի լինում էին էվակոհոս-
պիտաններում, թերթերի էջերում սիստեմատիկաբար հանգես գալիս ինֆոր-
մացիաներով, բուժկազմի աշխատանքների, հոսպիտալների վիճակի մասին:

Թերթերը միաժամանակ մեծ ուշադրություն էին դարձնում հաշմանդամ-
ներին զանազան օգնություն կազմակերպելու, նրանց աշխատանքի ընդուն-
ման, բնակարանով ապահովելու հարցերին: Թերթերը հարց հարուցեցին հաշ-
մանդամներին բազմակողմանի օգնություն կազմակերպելու համար: «Կոմու-
նիստ» թերթը գրում էր. «Անհրաժեշտ է էլ ավելի ուժեղացնել ուշադրություն
ու հոգատարությունը հայրենիքի պաշտպաններին՝ Հայրենական պատերազմի
հաշմանդամներին: Ոչ մի խնդրանք չպետք է նայվի ուշացումով, կամ մեծ
առանց արագ պատասխանի»²⁰:

Իրոք, պատերազմի առաջին իսկ տարվանից հաշմանդամներին համա-
պատասխան աշխատանքով ապահովելու նպատակով հանրապետությունում
կազմակերպվեցին բազմաթիվ կուրսեր՝ հաշվապահների, դերձակների, ձեռ-
րարների, կոշկակարների և այլն: Արվում էր ամեն հնարավորը, որպեսզի հայ-
րենիքի ազատության համար արյունը թափած և առողջությունը կորցրած սո-
վետական մարդիկ մշտապես զգային ժողովրդի հոգատարությունը:

19 ՍՍՀՄ ՊՄ արխիվ, ՖԷՀ, ց. 2468, ց. 603099, գ. 10, ք. 23:

20 «Коммунист», 12 օգոստոսի 1942 թ.: